

DISSERTATIO INAUGVRALIS MEDICA,
DE

OCVLRORVM
PROCIDENTIA,

Quam

FAVENTE DIVINO NUMINE,

GRATIOSÆ FACVLTATIS MEDICÆ CONSENSV,

PRÆSIDE

DN. FRIDERICO HOFFMANNO,

COLLEGII MEDICI SENIORE ET h. t. DECANO,

PRO GRADV DOCTORIS,

D. 18. April. Anno M DCC XXII. Horis ante & postmeridiem consuetis,

Publico Eruditorum examini submittet

AVCTOR RESPONSVRVS

HENRICVS GABRIEL SEEBACH,

LONGOSALISSA THVRINGVS.

HALÆ MAGDEBVRGICÆ,

Typis GEORGI JACOBI LEHMANNII, Acad. Typogr.

VIRIS

**PRÆNOBILISSIMIS, AMPLISSIMIS, CONSVLTISSIMIS,
PRVDENTISSIMISQVE,**

DOMINIS

**CONSVLIBVS,
CAMERARIIS,**

AC RELIQVIS CIVITATIS PATRIÆ

SENATORIBVS,

PATRONIS, FAVTORIBVS,

STVDIORVMQVE SVORVM

PROMOTORIBVS,

OMNI OBSERVANTIÆ CVLTV PROSEQVENDIS,

**SPECIMEN HOCCE INAVGVRALE
OFFERT**

AVCTOR.



Q. D. B. V.

DISSERTATIO INAUGVRALIS MEDICA;

De

OCVLORVM PROCIDENTIA.

Definit. 1.

OCulus est illud corporis organon, quo mediante visio absoluitur.

Scholion.

Oculi nomen an ab occultando, quia sub palpebris quasi latet, vel aliunde deriuetur, hic non sum sollicitus: vtilitas enim, quæ ex huius inuestigatione capienda, mihi admodum exigua videtur. Nec instituti ratio concedit, oculorum procidentiam, speciminis inauguralis loco, breuiter tractaturo, circa etymologiam multum hærere. Namque in hoc morbo plura occurrunt, quæ vt maioris momenti, ita & prolixiorum considerationem multo magis merentur. Quam ob causam quoque, quot tunicis, humoribus, musculis, nervisque oculus componatur, silentio transire consultius autumo, quam sterili eorum enumerationi diu immorari. Hinc saltim ea, quæ sua se necessitate commendant, & ad demonstrationes propositas requiruntur, in medium proferre licebit.

Definit. 2.

Procidentia est partis corporis nostri e sede naturali dimotio, vt, quæ natura abscondidit, iam in conspectum veniant.

Scholion.

Procidentia quoque prolapsus, & Græcis *πρόπτωσης* audit, quatenus pars affecta procidere vel prolabi videtur, vnde etiam Germani einen Vorfall nuncupant.

Definit. 3.

Oculorum procidentia est horum extra orbitam protrusio, vt palpebris vix vel plane non occultari queant, ac inde longe maiores, quam in statu naturali, adpareant, &, licet quoad colorem bene se habeant, magnam visus hebetudinem, vel plenariam ejusdem abolitionem patiantur.

Schol. 1.

Hic affectus quoque prolapsus, & Græcis *πρόπτωσης* oculorum, item *ἐξοφθαλμός* vocari solet. Germani vero, ob adparentem oculorum magnitudinem, eundem allzugrosse, wieder natürliche, item Elephanten-Augen adpellant. *vid. Heister. Chirurg. p. 500.*

Schol. 2.

Verum enim vero, in hoc morbo oculi, non vi propria & sponte, de sede naturali decedunt, sed, vti ex inferius dicendis patebit, ab alia causa, non in ipsis hærente, protruduntur; id quod etiam vulgus, si antecedentes vomitus vehementes, sterutaciones fortiores, aut alios conatus improporcionatos, de quibus inferius, inter causas occasionales, plura dicenda occurrunt, malum hocce sequitur, optime exprimit, dicens: es habe die Augen zum Kopfe heraus getrieben. Hinc neque per procidentiam, neque prolapsum rem satis commode, longe ve-

ro melius per protrusionem oculorum, expressam arbitror. Sed ne ab usu loquendi recessisse videar, vocem receptam, & auctoritate valoris præditam retinere malui, quam aliam substituere.

Schol. 3.

Auctam autem oculorum magnitudinem in præsentia affectu saltem adparentem esse, neminem latere posse opinor, qui modo perpendit, nos eam non judicare secundum partem bulbi sub palpebris latentem, sed secundum illam, quæ de tunica albuginea conspicitur, seu secundum diuersam palpebrarum aperturam. Hinc si in oculorum procidentia oculi extra orbitam protruduntur, ut maior albugineæ portio in conspectum veniat, bulbum ipsum quoque auctum esse putamus.

Corollar. 1.

Haud itaque difficile est, procidentiam oculi dignoscere a bulbi intumescencia, quæ contusionem fortio-rem in momento excipit: ubi quidem oculus interdum quoque extra orbitam prodire videtur; hoc autem, ex ipsius bulbi magnitudine, a sanguine extrauafato, colorem simul naturalem in purpureum mutante, aucta prouenire, in procidentia contra bulbum magnitudinem & colorem naturalem retinere, & ex protrusione situque mutato tantum majorem adparere, facillime colligere licet.

Schol. 1.

Eiusmodi contusionis exemplum mihi Ienæ notare licuit: ubi studiosi cuiusdam oculus dexter, vaginæ gladii mucrone contusus, in momento adeo intumescibat, & a sanguine extrauafato, instar vesicæ purpureæ valdeque expansæ, distendebatur, ut palpebra superior clausa, nulla etiam violentia, attolli posset, sed e contrario, ejus ruptio spontanea, & momentanea metuenda esset: tandem vero, auspiciis Excell. Dni D. H. F. Teichmeyer, P. P. Ienens. Celeb. Patroni ac Præceptoris mei ad cineres usque deuenerandi, adhibitis roborantibus & resoluentibus, externis & internis, tumor, paucos dies post, subsidebat, visusque ad pristinum statum restituebatur.

Schol. 2.

Minime autem nego, contusionem sæpissime, ob tonum vasorum debilitatum, in dispositis causam procidentiae oculorum procatarcticam constituere: de quibus vero inferius plura dicenda restant.

Corollar. 2.

Pari quoque ratione ex dictis adparet, quod procidentia oculorum cum hydrophthalmia non sit confundenda, si concessum, hydrophthalmiam quoque non modo veram ipsius bulbi extensionem, sed & vividum oculorum coloris in lividum mutationem, cum pelluciditate & perspicuitate præternaturali, a sero pariter præter naturam collecto, orta, iunctam exhibere.

Schol.

Non ignoro, multos esse Medicos & Chirurgos, qui modo dictos affectus confundant, adeoque in vno capite pertractent. Sed quum & causa & cura eorum longe differat, ne dicam, quod remedia vni commendata, alteri sæpius noceant: eosdem separare non incongruum esse putavi.

Corollar. 3.

Nec minus exinde patet, quod, si hic affectus plenariam visus abolitionem habeat secum iunctam, ab amaurosi saltem differat ratione situs oculorum mutati; præsupposito nempe ex pathologicis, quod amaurosis sit visus abolitio totalis, oculis ab extra bene se habentibus.

Observatio 1.

Procidentia interdum vtrumque, interdum vero alterutrum tantum afficit oculum.

Schol.

Vtriusque procidentiam, in Viri cuiusdam Primarii, ac Patroni mei maxime colendi, filio, 14tum agente annum, in tenera ipsius infantia, ex vomitibus fortioribus, ortam, nulloque adhi-

adhibito remedio adhuc curatam, mihi obseruare licuit. Vir-
ginem non minus noui, quæ vtriusque procidentia, licet ad-
huc leuiori, visum parum lædente, &, vt mihi relatum, ex stru-
mæ incipientis retropulsione contracta, laborat. Dextrum
vero oculum solum, hoc morbo correptum, in patria notauit in
puella quadam: qui primo, dum ægra annum primum cum di-
midio circiter attigisset, sinistro paullo solummodo maior vi-
sus, indeque neglectus est, sensim vero, circa annum ætatis æ-
græ quintum, magis magisque protuberans, omnem medica-
mentorum vsum spernere incepit. Et quum dein inertibus
empirici cuiusdam ausibus ægra tradita esset, breui tempore o-
culus centrali suppuratione plane destructus est, vt loco bulbi
scirrhusa excrescentia, ad nucis fere iuglandis magnitudinem,
extra orbitam progerminauerit. Quæ iam quidem debitis re-
mediis sæpius ablata, sed luna crescente quoque iterum, cum
saniei effluxu & palpebrarum erosione, incrementum capere, &
acies sinistri oculi superstes, iam quoque hebetior reddita, di-
citur.

Obseruat. 2.

Procidentia oculorum laborantes, alii plane
non, alii obscure tantum vident, &, licet vterque
oculus afficiatur, vno interdum solum, vel distin-
ctius, quam altero, obiecta percipiunt.

Scholion.

Hoc differt ratione gradus morbi, qui sæpe in vno eodem-
que subiecto variat. Sic in priori, ex *schol. obs. 1.* allegatis exem-
plis notatu dignum existit, quod æger sinistro oculo nihil, dex-
tro autem admodum obscure, & obiecta saltem maiora, oculis-
ue proxime admota, percipere, litteras vero nullas, nisi maio-
res, quibus v. gr. libri insigniuntur, legere, & his quoque pro-
portionatas scribere possit.

Observ. 3.

Oculi in hoc morbo præter pupillam, quæ
paullo

paullo amplior, quam in statu naturali observatur, instar sanorum puri, sereni, atque illæsi conspiciuntur, nec dolore afficiuntur, quam diu malum terminos non excedit, nihilo tamen minus extra orbitam prominent.

Corollar.

Hinc causam procidentiae non in ipsis oculis, sed paullo profundius hæere, concludere licet.

Observ. 4.

Contactui tamen & pressioni manus non cedunt in naturalem situm, sed fortiter resistunt.

Corollar.

Procidentiam itaque oculorum non dependere a laxitate musculorum, quæ pressioni non resistit, patet: sed contra, tumorem durum, simulque indolentem, *per obs. 3.* sub iisdem latere, eosdemque protrudere, ac pressioni externæ resistere necesse est.

Observ. 5.

Per plures autem annos, nisi error committatur, in eodem statu malum hocce perseverat. *per Schol. obs. 1.*

Corollar.

Ergo, tumorem illum, qui oculos protrudit, ex principiis fixioribus, minus mobilibus, intimeque sibi unitis conflatum esse, & ad resolutionem, suppurationemve ineptum existere, sole clarius est.

Observ. 6.

Si vero male tractatur, vel sponte acrimoniam con-

concipit, facile in cancrum degenerat. *Notantibus
Cel. Heistero l. c. ex Hildan. Cent. 1. obs. 1. aliisque.*

Schol.

Quum igitur modo recensita phænomena, eorumque
causas paullo adcuratius considerare, in præsentè tractatione
maximi sit momenti; omnia vero, quæ ad demonstrationes pro-
positas requiruntur, ex primis principiis demonstrare nimis
prolixum foret: hinc eadem per paucas hypotheses præmit-
tere, vel supponere consultum duxi.

Hypothesis 1.

Humores corporis nostri aciditate & viscidita-
te præternaturali præditi, partibusque terreis abun-
dantes, aptissimi sunt ad stagnationem coagulatio-
nemue subeundam.

Schol. 1.

Acidum, etiam secundum naturam, in humoribus nostris
existere qui negat, sponte chimiæ hospitem se profitetur, quæ
idem satis superque demonstrat. Hinc quoque nullum est du-
bium, quin idem & præter naturam augeri, & multorum morbo-
rum causam constituere possit. Modo enim quis consideret,
quod alimenta quam plurima, & potulenta fere omnia, quæ ad-
sumuntur, si non explicite, implicite tamen eodem abundant.
Vnde facillime colligitur, quod, si error circa horum adsumtio-
nem, vel in quantitate, vel in qualitate committatur, talis quo-
que chylus, similesque humores exinde nascantur.

Schol. 2.

Minime vero adsero, acidum purum morbi huius causam
existere; sed si de hoc, ut causa morbi, sermo est, a potiori fie-
ri denominationem, intellectum volo.

Schol. 3.

Si igitur acido in humoribus nostris locus conceditur,
nulla quoque, quomodo viscedo & terreæ partes in illis generari
possint, laborat difficultate. Viscedo enim humorum quoque

B

non

non modo per adsumpta producit, sed etiam ab acido, iam in iisdem præsentem. Acidum enim coagulare sulphur & soluere terram, ex chemicis notum est: hinc si cum alimentis acidum sæpius ingeritur, terreas quoque partes crassiores, ut secum rapiat necesse est, sicque hisce non modo massam sanguineam inquinat, sed & sulphureas eiusdem coagulando & viscidiores reddendo, ad stagnationem & coagulationem, seu cum terreis concretionem aptiores reddit.

Hypoth. 2.

Hi ipsi si sub certa proportionem in tumorem durum, indolentem, ad resolutionem & suppurationem minus aptum coagulantur, scirrhum adesse dicimus.

Schol.

Terram corporibus soliditatem, sulphur vero cohesionem largiri, ex physicis patet. Acidum autem, terram recludens sulphurque coagulans, si interueniat, nexum firmiorem præstare, necesse est. Hinc est, quod tumores, ex hisce principiis conflati, ob terræ abundantiam duri, ob sulphuris vero & acidi commixtionem difficillime iterum sint resolubiles. Nec suppuratio in iisdem facile contingit, quia partes serosæ & salinæ alcalicæ deficiunt, terræque abundantia sulphuris resolutionem simul impedit. Et dolor quoque abesse solet, quia salia non sufficienter soluta, & a terreis sulphureisque partibus temperata, implicata, sicque ad dolorem efficiendum inepta sunt. Certa tamen requiritur proportio: si enim acidum reliqua superat, vel tumori iam facto accedit, terramque resoluit, soliditas iterum tollitur: & acidum cum terra remixtum, maiorem corrosiuitatem acquirens, sulphur quoque destruit, ac tumorem vel vlcus, cum intolerabili dolore, malignum, depascens, saniem nigram & fuluam fundens, odoremque cadauerosum spirans, verbo, cancerum producit. Vnde etiam dependet, quod scirrhi tamdiu pro legitimis habeantur, quam diu dolor absit,

absit, hic vero si accedat, illegitimum nomine venire soleant.

Hypoth. 3.

Facilius autem horum generatio in locis glandulosis, quam aliis, contingit.

Scholion.

Glandulas omnes vel secretioni, vel filtrationi, seu depurationi humorum esse destinatas, ex physiologicis constat. Si partes ferossæ ab humoribus, visciditate & terreis partibus iam præguantibus secernuntur, hosce magis inspissari & coagulari necesse est. Filtrare autem crudum a subtiliori separare notat; hinc, si id, quod in filtro quasi remanet, iam partibus coagulabilibus constat, quid impedit, quo minus etiam coagulatio succedat.

Hypoth. 4.

Oculi, in parte postica bulbi circa nervum opticum, multis sunt præditi glandulis.

Scholion.

Harum glandularum existentiam nemo in dubium vocabit, qui modo in vnquam oculorum sectione occupatus fuit, aut eidem adstitit. An vero istæ secretioni, an vero tantum depurationi humorum oculorum sint destinatæ, hic disquirere nolo.

Corollar.

Hinc, per hypoth. 3. facile in his glandulis humores acidi, viscidi, & terreis partibus abundantes stagnant, ac in scirrhum coagulantur.

Theorema I.

Procidentia oculorum oritur a scirrho glandularum in parte postica bulbi, circa nervum opticum, sitarum.

Demonstratio.

Oculi se habent vt sanorum, & nihilominus protuberant, per obs. 3. quod causam morbi non in ipsis, sed

profundius hæerere, notat, *per Coroll. obs. eiusd.* in naturalem tamen situm contactui manus non cedunt, sed resistunt, *per obs. 4.* quod tumorem durum ac indolentem sub iisdem latere, eosdemque protrudere, demonstrat, *per Coroll. obs. eiusd.* Malum hocce quoque per plures annos perseuerat, *per obs. 5.* quod tumorem illum ad resolutionem & suppurationem minus aptum existere, exque principiis fixioribus conflatum esse, innuit, *per Coroll. obs. eiusd.* facile etiam in cancrum degenerat, *per obs. 6.* quæ omnia scirrhi præsentiam indicant, *per hypoth. 2. & Schol. eiusd.* qui in glandulis in postica bulbi parte, circa neruum opticum, sitis commodam quoque sedem inuenit, *per Coroll. hyp. 4.* E. Scirrhus glandularum, in parte postica bulbi circa neruum opticum sitarum, est procidentia oculorum causa. Q. E. D.

Corollar.

Si igitur scirrhus procidentia oculorum causa existit, qui, licet locum, ad quem accedere liceat, afficiat, ut ipsi immediate medicamenta adplicari queant, nihilominus, omnium practicorum consensu, pro tumore maxime rebelli, & difficillime curabili habetur, huius quoque affectus prognosis facillime formanda erit. Et quia tum accessus denegatus, tum oculorum sensilitas medicamentorum necessariorum adhibitionem interdicat, neminem a veritate longe recessurum puto, qui eundem, imprimis inueteratum, prorsus fere incurabilem pronunciet.

Scholion.

Minime vero inde quis iudicet, Medico nihil superesse, nisi ut otiosi huius morbi spectatoris personam agat, nam, præstare frustra, quam nullum adhibere medicamentum, arbitror; quum, imprimis si malum adhuc recens, debitis internis præ-

præfidiis, optatum curationis euentum plane denegare non ausim.

Theorema II.

Oculorum procidentiaë caussam mediatam proximiorē constituunt humores acidi, viscidi, cumque partibus terreis mixti.

Demonstratio.

Procidentia oculorum scirrhum pro caussa immediata agnoscit, *per Theor. 1.* quem humores acidi, viscidi, partibusque terreis mixti producant, *per hypoth. 2.* E. hi ipsi mediate oculorum procidentiaë caussam constituunt.
Q. E. D.

Corollar. 1.

Quæcunque itaque ad dictorum humorum generationem, accumulationem, stagnationem, coagulationemve aliquid conferunt, illa procidentiaë oculorum caussam mediatam remotiorem constituere, patet.

Scholion.

Caussæ vero remotæ, occasionales & procatarcticae quoque dictæ, in tres classes, naturales nempe, nonnaturales, ac præter naturales distribui solent. Ex naturalibus huc pertinet dispositio hæreditaria, quæ, si parentes v. gr. scorbuto, calculo, arthritide &c. laborauere, ad caussæ mediatæ proximioris generationem multum confert. Id quod etiam temperamentum phlegmaticum, ob tardum humorum motum, lentorem facile concipiendo, & melancholicum, ob acidi & terræ prædominium, serique defectum præstant. Ex non naturalibus huc spectat aer frigidus ac nebulosus, improvide admissus, item partibus vitriolicis inquinatus, quo pori obstruuntur, humores spissiores redduntur, & ad stasim disponuntur. Nimis vero calidus, transpirationem augendo, sudoremque largiorem excitando, corpus exsiccat, & in di-

spofitis facillime obftructions parit. Maxime autem alimēta, chylum crudum, acidum, ac vifcidum præbentia, huc referenda funt, vt cibi falſi, acidi, muriatici, fumo indurati, halecum & pifcium aliorum frequens adſumtio, caſeus, & alia ex lacte parata copioſius & inordinate adſumta, nec non ſaccharatorum frequens uſus. Cibus autem quantitate nimia adſumptus, chylificationem lædit, & ita quoque cruditates producit. Potus non minus quantitate exceſſiua ingurgitatus idem præſtat: qualitate vero peccans, vt cereuiſia acida & feculenta, vinum acidum ac auſterum, tales quoque humores reddit. Motus excedens, & ſtatim poſt paſtum inſtitutus, partes crudiores cum chylo ad maſſam ſanguineam propellit; deficiens vero humores torpidos & vifcidiores reddit, atque ad ſtaſin diſponit. Quod etiam ſomnus nimius efficit. Vigiliæ vero nimix & in multas noctes protractæ, digeſtionem retardant, & ſpiritus nimis debilitando, cruditates pariunt, ac corpus eneruant; quod etiam nimius menſium, hæmorrhoidum, ac lochiorum fluxus præſtat. Horum vero retentio, varias viſcerum obſtructions parit, & ſic huic morbo anſam quoque præbet. Ex animi pathematis autem moeror & triſtitia, humores coagulando & inſpiſſando, torpidosque reddendo, fomitem huius morbi præparant, & ſi ſletus frequens eſt coniunctus, eo magis oculorum morbis anſa præbetur. Tandem ex præternaturalibus ſcorbutus & cachexia, contuſio & inflammatio oculorum, vomitus ac niſus fortior in partu difficili aluique excretionē, nec non ſtrumarum, ſcrophularum, aliorumque tophaceorum tumorum retropulſio empirica, hoc malum quam maxime producere valent; quod partim ex ſchol. obſ. 1. partim vero rationibus demonſtrari poteſt.

Corollar. 2.

Facillime ex dictis colligendum eſt, ſi cura ſuſcipienda, humores acidos, vifcidos, ac terreis partibus abundantes, temperandos, incidendos, reſoluendos ac educendos eſſe.

Schol.

Schol. 1.

Medicamenta, post purgatas primas vias, felicius operari, nullus erit, qui inficias eat; hinc quoque præsentis morbi curationi purgationem præmittere, non abs re fore autumo. Quemadmodum vero subiecta, quorum alius difficile mobilis existit, huic morbo magis sunt obnoxia; ita his quoque purgantia vel in forma liquida adhiberi, vel præmissis alterantibus & digestiuis propinari possunt. In forma liquida se hic quam optime commendabunt infusa ex fibr. helleb. nigr. rhabarbar. foliis sennæ, crySTALL. tartar. aliisque ex materia medica huc eruendis, parata. In pilulari forma extr. rhabarb. helleb. nigr. panchymag. Croll. M. Pil. tartarear. resin. gialapp. scammon. & mercurius dulc. varie inter se mixta, non minus proficua erunt. Nec inepte quoque in pulueris forma, rhabarb. Alexandr. gialapp. mechoacann. diagryd. sulphurat. & similia adhibentur.

Schol. 2.

Hisce præmissis, temperandi, corrigendi, diluendi, simulque educendi fine, decocta lignorum, ex vegetabilibus aperientibus, hepaticis, antiscorbuticis, diureticis atque laxantibus parata, commendari possunt: non neglectis, ad viscidum incidendum, & acidum inuertendum, tincturis incidentibus alcalicis ac resoluentibus, vt tinct. antimon. tartarizata, tartari, essent. lignor. antiscorbut. summit. pini &c. nec non spiritibus huius generis, vt spirit. sal. ammoniac. vinos. spirit. cochlear. f. & vrinosus, &c. varie inter se miscendis. Quibus etiam, absorbendi & resoluendi fine, varios pulveres subiungere licet, quales sunt pulv. cachect. cinnabarin. Wedel. cachect. Querc. antimon. diaphoret. & martial. cachect. Ludouic. lap. cancr. item, ob egregiam simul fundendi & resoluendi mercurii virtutem, æthiops mineralis, cinnab. nat. & antimon. quo humores viscidi incidantur, & auferri simul absorbeantur, atque ita ad euacuationem aptiores reddantur. Quæ omnia vario modo sibi inuicem maritanda, & propinanda sunt; paucis: tota medendi methodus in hoc morbo

bo ita dirigenda est, ut decocta pro potu & vehiculo ordinario, tincturae & mixturae mane & post meridiem, pulveres vero circa decubitum adsumantur, interpositis, pro renata, etiam singulis quadriduis, aut octiduis, pilulis ex mercurio dulci, aliisque supra laudatis paratis, nec non polychrestis *Excell. Dni Praesidis*, hic non satis laudandis. Quibus pro iudicio Medici, cui hic plurima relinquenda, per aliquot hebdomadas continuatis, non dubitandum, si malum adhuc recens, quin & desideratus effectus sit sequuturus.

Schol. 3.

Externe autem simul, praeter sacculos discutientes, cum blanda compressione adplicatos, temporibus emplastr. de ranis c. mercur. Vigon. & nuchae vesicatorium impostum, ad humores viscidos resoluendos, deriuandas, ac educendos, non sunt spernenda. Ab omnibus acrioribus & calidioribus vero quovis modo abstinendum est, ne oculorum inflammatio & subsequens suppuratio excitetur, vel scirrhus latens in cancrum degeneret.

Schol. 4.

Praeter spem vero si contingat, ut malum hocce in cancrum degeneret, & debitis praesidiis cedere nolit, tunc plenaria extirpatio sectione suscipienda est: de qua videantur Chirurghi, hanc materiam satis prolixè tractantes, ut *Heister. l. c.* & inter alios quoque *I. A. Fischeri, P. P. Erffordiens. dissert. de tumore oculi sinistri scirrhuso maligno, feliciter extirpato.*

Coroll. 3.

Manifestum hinc quoque est, quod ad diætam attinet, vitanda omnia, quæ *Schol. Coroll. 1. Th. 2.* ex rebus non naturalibus, inter causas mediatas remotas numerantur; & e contrario aerem temperatum, cibum laudabilem chylum praebentem, & simul, si fieri potest, medicamentosum, itemque potum tenuem, animique tranquillitatem esse commendanda.

Hypoth.

Hypoth. 5.

Tumor omnis corporis nostri canales adiacentes comprimit, & pro maiori vel minori compressionis gradu, transfluxum fluidorum vel plane impedit, vel in parciore quantitate saltem eadem transmittit.

Hypoth. 6.

Simili modo quoque a nimia canalis cuiusdam extensione fluido, per illum vehi consueto, via præcluditur, ne illud in sufficienti quantitate permeare valeat.

Hypoth. 7.

Nervus opticus est fasciculus canaliculorum, per quos spiritus animales, ad visionem absolvendam absolute necessarii, ad oculum vehuntur.

Corollar.

Hinc si in huius vicinia tumor quidam oritur, idem simul comprimitur, & pro diuerso compressionis gradu, spirituum animalium affluxus ad oculum vel imminuitur, vel penitus denegatur, ut inde acies oculi vel hebetior reddatur, vel prorsus aboleatur.

Hypoth. 8.

Si oculus extra orbitam protrahitur, nervus opticus simul ultra modum extenditur.

Corollar.

Extensio itaque hæcce nerui optici spirituum animalium ad oculum quoque parciorem reddit, *per hypoth. 6.* atque ita visionem lædit.

Theorema III.

Visus hebetudo vel abolitio in oculorum procidentia dependet a maiori vel minori compressione & extensione nerui optici.

Demonstratio.

Oculorum procidentiaë causam proximam constituit scirrhus glandularum, circa neruum opticum sitarum, *per Theorem. I.* qui est tumor durus &c. *per hyp. 2.* neruum opticum comprimens, atque ita spirituum animalium adfluxum ad oculum vel parciorem reddens, vel plane impediens, ut inde necessario visio vel hebetior reddatur, vel prorsus aboleatur, *per Coroll. hypoth. 7.* Nec minus etiam oculus, in ipsius procidentia, extra orbitam est protrusus, *per definit. 3.* & nervus opticus ultra modum extensus, *per hyp. 8.* cuius extensio spirituum animalium adfluxum ad oculum quoque parciorem reddit, & inde visionem lædit, *per Coroll. hypoth. eiusd.* **E.** Visus hebetudo vel abolitio in oculorum procidentia dependet a maiori vel minori compressione & extensione nerui optici. **Q. E. D.**

Corollar. 1.

Haud difficulter igitur ratio colligitur, cur *per obs.*
3. in

2. in oculorum procidentia pupilla amplior, quam in statu naturali, conspiciatur. Ex physiologicis enim & opticis notum est, pupillam, nobis insciis, pro obiectorum splendore, magnitudine ac exilitate diuersa, nec non positu propinquiore vel remotiori, se sponte contrahere, ac lucis radios modificare. Si ideo in oculorum procidentia spirituum animalium adfluxus impeditur, radii quoque lucis, licet satis fortes irruant, tamen non debito modo in tunica retina percipiuntur, hinc quoque nulla eorum modificatio fieri potest, sed e contrario prouida natura, pupillam dilatando, visum debilem restituere intendit, sollicitatque.

Corollar. 2.

Est itaque hæc visionis læsio procidentiae oculorum symptoma, quod curato morbo, sponte quoque concidit, nisi malum inueteratum, atque ita per moram canaliculorum nerui optici coalitionem, seu consolidationem præstiterit.

Corollar. 3.

Hinc si morbus hoc symptoma fouens radicitus curari nequit, aciem oculorum superstitem roborandam, & palliatue saltem, in quantum fieri potest, restituendam esse patet.

Schol. 1.

Ad visum roborantia ex materia medica referuntur omnia cephalica, & in specie commendantur rad. valerian. daronic. chelidon. maior. hb. maioran. beton. euphras. verben. mar. ver. sem. coriandr. foenicul. cubebæ &c. quæ vel inter-

ne, in decoctis & infusis, cum supra laudatis aperientibus & euacuantibus, vel externe in sacculis & cucuphis simul adhiberi possunt.

Schol. 2.

Palliative autem quæ aciem oculorum debilem restitunt, sunt perspicilla conuexa, & imprimis in hoc affectu se commendabunt illa, quæ ex vitro viridi parata, quæ non solum angulum visorium dilatant, atque ita obiecta, præfenti morbo laborantibus insensilia, maiora, & per consequens sensilia reddunt, sed et, ob æqualem lucis & umbræ coloris viridis temperaturam, visum roborant. Quem in finem quoque iis, qui studiis dediti, libri, quorum folia colore viridi oblita, commendari possunt.

S. D. G.



PRæmia, mi SEEBACH, meritis-
ma laude reportas:

Sic tandem felix exitus acta probat.
Exitus acta probat, queis doctos vol-
vere libros,

Queis Tibi naturam volvere moris
erat.

Perge bonis avibus, majores perge ad
honores

Laudando nifu: Sic Tibi corde pre-
cor.

*Optimè meritis honoribus Nobilissimè
Dn. Doctorandi ita applaudebat*

HERMANNVS FRID.
TEICHMEYER, D. P. P.
in Academ. Ienenfi.

Montibus æthereis Musas habita-
re, Poetæ

Finxerunt, aurum sub scoriisque la-
tet.

Scilicet excelso residet sapientia mon-
te,

Ad quam difficilis semita monstrat
iter.

Attamen assidua cura conscenditur
iste

Vertex Aonidum Castalidumque ju-
gum.

Nec TE poenituit, FAVOR DILE-
CTE, laborum,

Artes Paeoniæ quos peperere TIBI.
In studii semper studio ferventer ivisti,

Intentus metae non remorante pede.

Hinc & TE MEDICI DOCTORIS a-
galmate donant

Pierides, TIBI jam rubra tiara datur.

Gra-

Gratulor ex animo partum virtute de-
corem:

Porro gliscat honos ulteriore gra-
du!

Clarissimi Domini Doctorandi
honoribus adplaudit, succes-
susque in praxi fortunatis-
mos precatur

CHRISTIANUS GOTTOFREDUS
BEHRISCH,
Dresdensis. Med. Cult.

Carthago ex nimio latum stans de-

corum;

Pono gliscas bonos ubi bonos pa-

du!

Christus Dominus Doctorandi

honorebus adhibenda, necesse

est ut in praeiudicium

non faciant

CHRISTIANUS GOTTFRIDUS

BEHRISON

Beiträge zur Geschichte